

MJEKIMI I HIPOSPADIVE TË THELLA ME LEMBO SKROTALE DHE ZHYTJE TË ORGANIT MASHKULLOR - GJINOR NË SKROTUM

FLAMUR TARTARI *

Summary

THE TREATMENT OF HYPOSPADIAS WITH FLAP SKIN SCROTAL

In this article autor writhers one personal metod for treatement of hypospadias penialis, penoscrotalis and scrotalis with flap skin scrotal for 1985-1989 in Urologic clinic of Tirana.
The metod consist in formed of neourethre and sfonded in the scrot after 6-8 week their deliberated.
The results are very well without complications.

Hipospadia është një keqformim i lindur që paraqet me mosqënien në vendin e caktuar të vrimës së jashtme të kanalit të urinës, por në vende të tjera të pjesës barkore të penisit dhe të skrotumit, çka shoqërohet me përkuljen barkore të penisit.

Ekzistojnë shumë forma të hipospadive dhe për këtë ekzistojnë klasifikime të ndryshme. Shumë autorë, duke u nisur nga të dhënat klinike, sot përdorin klasifikimin e mëposhtëm: Hipospadia balanike, që zë pothuajse 3/4 e të gjithë hipospadive të cilat klasifikohen lehtë. Ato mjekohen shumë thjeshtë, në qoftë se kanë vetëm ngushtim të vrimës së jashtme të kanalit të urinës dhe nuk shoqërohen me përkulje të organit. Më i ndërlikuar paraqitet sot problemi i mjekimit të formave të thella të hipospadive. Në bazë të klasifikimit, kemi këto forma të hipospadive: forma balanike, peniane, skrotales dhe perineale. Dhe me radhë vinë: hipospadia femërore dhe me lafshë të plotë, fistula uretrale e lindur dhe, së fundi, diçka më shpesh se këto hipospadia me korde.

Materiali dhe metodika

Në studimin tonë do të paraqesim mjekimin e kësaj sëmundje të lindur, në klinikën e urologjisë gjatë viteve 1985 - 1989 të formave të ndryshme të saj dhe, në veçanti, të formave të hipospadive të thella peniane media, peniskrotales, skrotales dhe perineale, të cilat paraqesin vështirësi të ndryshme teknike dhe me ndërlikime pasoperatore që ndikojnë në mbarëvajtjen ose shërimin e kësaj sëmundjeje.

Më e rëndësishmja sot është të përcaktohet moshë kur duhet operuar fëmija me hipospadi. Për këtë ka mendime të ndryshme.

Diskutimi

Klinika e urologjisë tanimë ka krijuar një përvojë 20-vjeçare në kurimin dhe shërimin sa më të shpejtë dhe sa më të mirë të kësaj sëmundjeje. Ne mendojmë se hipospadia duhet të jetë e shëruar përfundimisht nga moshë 6-10 - vjeçare, ndërsa autorë të tjerë mendojnë se kjo sëmundje operohet qysh në lindje. Procedura e mjekimit është shumë e lehtë dhe qëndron në hapjen e vrimës (meatotomisë) për të lehtësuar kalueshmërinë e urinës, për të dalë jashtë dhe në një kohë të dytë të formave që kërkojnë drejtimin e organit. Kjo bëhet pas moshës 2-vjeçare. Drejtimi i organit mashkullor gjinor është momenti më i rëndësishëm për këtë sëmundje, sepse ky operim që bëhet me metodat e ndryshme operatore ka një princip kryesor thelbësor heqjen e indit fibroz që e mban të përkulur organin. Në qoftë se nuk hiqet komplet ky ind, vetëkuptohet që me zhvillimin në tërësi të organit, do të zhvillohet edhe vetë indit fibroz, gjë që përsëri krijon përkulje të organit. Këtë e kemi konstatuar në disa fëmijë të operuar. Drejtimi i organit ndikon shumë për zhvillimin e mëtejshëm të tij pas kryerjes së këtij operimi. Këtë e kemi konstatuar nga përvoja jonë, se për 6 muaj pas operimit për drejtim të organit, ky i fundit është zhvilluar shumë kur më parë ka patur mangësi në zhvillim për moshën përkatëse. Është e mira që ky operim të bëhet, pra mbi moshën 2-vjeçare dhe ka një përparësi të madhe, sepse organi do të zhvillohet normalisht dhe lëkura e tij do të zhvillohet mirë për momentin përfundimtar (uretroplastikën) krijimin e uretrës së re. Pra, mund të themi senë lidhje me moshën për drejtimin e organit, operimi duhet bërë mbi moshën 2 vjeçare dhe si afat maksimal deri në 5-6 vjet. Prandaj në këtë drejtim një rol të madh do të luajë diagnostikimi

* Dërguar në redaksi më 7 maj 1990, miratuar për botim më 23 dhjetor 1990. Nga klinika e Urologjisë, Qendra Spitalore Universitare e Tiranës (F.T).

Adresa për letërkëmbim: F.Tartari, Klinika e Urologjisë së Qendrës Spitalore Universitare Tiranë.